

亥21
1-2

傳信適用方四卷

醫學叢書



刀醫譜集



南京中医药大学图书馆版权所有

梨
燉
燶
杏
燉
燶
榆



欽定四庫全書

傳信適用方

提要

臣等謹案傳信適用方二卷不著撰人名氏宋史藝文志載此書亦不云誰作而別有劉禹錫傳信方二卷考此書每方之下皆註傳自某人中有引及和劑局方者必非禹錫書也書錄解題有傳道適用方二卷稱拙菴吳彥夔淳熙庚子撰與此本卷帙正同知此卽彥夔之書傳寫訛信爲道



南京中医药大学图书馆版权所有
南京中医药大学 1954

也此本由宋槩影寫前後無序跋所錄皆
經驗之方中有八味圓問難一條尤深得
制方之旨其餘各方雖經後人選用而採
擇未盡者尙多附末夏子益治奇疾方二
十八道其書罕見單行之本明李時珍本
草綱目所載疑或從此鈔出也乾隆五十
年二月恭校上

點裏

唐言愈用武

金匱要略全書

傳信適用方卷一

治諸風

大聖一粒金丹又名保命金丹

治男子婦人一切諸風氣血俱虛陰陽偏廢卒暴中
風僵仆昏塞涎潮搐搦不省人事失音舌强手足顛
曳口眼喎斜或癱瘓偏枯半身不遂語言蹇澁舉止
錯亂四肢麻痺及治顛癇倒仆目瞑不開涎盛作聲
或角弓反張目睛直視口噤悶絕牙關緊急并治風
搏於陽經目眩頭痛耳作蟬鳴皮膚瞞搐頻欠喜睡
項強拘急不能回顧及腎臟風虛腳膝疼痛步履艱



南京中医药大学图书馆版权所有

難偏風流注一邊屈伸不得此藥無問久新并能治之

黑附子

生去皮臍

川烏頭

如上

白附子

五靈脂

各一兩

白殭蠶

炒

白蒺藜

一兩

已上六味別爲末

白礬

枯一兩

硃砂

半兩

沒藥

半兩

麝香

一錢研

乳香

半兩研

全蝎

半兩碎亦可用

右將諸藥和得所以井花水磨細墨半兩滴水和圓如彈子大窖乾金箔爲衣每服一粒用生薑二兩去皮細搗取自然汁將藥圓於薑汁內磨化盡

爲度用無灰酒一盞溫服量病人酒性多少更喫
溫酒一二升投之以助藥力次用衣被蓋覆便臥
汗出爲效疾勢輕者每服半圓不拘時候如有風
疾常服補益五臟固密真元通流關節祛逐風邪
壯筋續骨大有神效

治癇疾

凌霄花

右一味爲細末每服三錢溫酒調下空心服每服
藥時解開頭髮用木梳梳之以冷水一大碗在側
含水口中水溫卽換以碗水盡卽住梳如此服四

十九日永絕根本不以受病淺深皆愈仍百無所

忌興國司法姜濤嘗服得効

溫腦散治頭風

隆興李醫傳

川芎

二兩

天麻

川烏

炮去皮尖
碎剉炒黃

各一兩

右爲細末每服二錢茶調下薄荷茶尤佳

乳香宣經圓治男子婦人體虛氣弱寒濕相搏半身不遂手足麻痺行步少力骨節煩疼足脰浮腫皮膚不仁腳膝常冷狀若風吹或時作熱漸成腳氣腳膝生瘡痛痒不仁又治肝腎不足經絡留滯筋脉緩弱

舉動皆難四肢攣急不可屈伸臂痛游走或左或右
風毒攻疰乍差乍發肩背相引腰膝大痛風痺鞭曳
血脉不周閃肭打撲內傷筋骨痛不可忍男子疝氣
膀胱上下奔衝婦人月水不調多作腹痛常服活血
脈止疼痛補虛損壯筋骨

樊防禦秘方

天台烏藥

歲靈仙

酒浸

京草薢

陳皮

黑豆

浸

川練子肉

各一兩

半兩

茴香

炒

五靈脂

半兩

乳香

別研

草烏

七錢

剉炒

黑牽牛

取粉八錢

右爲細末卻入乳香拌勻醋糊爲圓如梧桐子大
每服三十圓溫酒下空心食前

太一丹治諸風及癱瘓偏風手足頑麻肢節緩弱臂
肉疼痛并治頭風偏正頭痛項頸拘急頭旋目暈眩
吐痰水或耳鳴聾風痰上盛及療傷風傷寒頭疼不
可忍者并宜服之常服消風化痰清頭目利胸膈

川芎

川烏

草烏

白芷

白附子

黑附子

細辛

去葉洗

半夏

洗

天南星

洗

天麻

右等分并生用細末如藥二十兩卽入麵二十兩
白者同拌勻滴水和圓如彈子大日中晒乾每服
一粒茶酒任嚼下荆芥薄荷茶亦得如傷風傷寒
頭目昏疼用生葱白一莖同嚼熱茶清送下不計
時候此藥予家常合用之甚効

治麻痺妙方

用四味理中湯加防風天麻等分同煎甚佳或去
白朮加附子尤妙

治頭目旋暈吐逆蓋胃冷生痰致有此疾累用有效
止逆湯

川乾薑二兩

炮甘草

一兩炙赤色

右二味㕮咀爲麩末每服四五錢用水二盞煎至八分食前熱服

赤茯苓散

治陰陽俱虛經絡凝滯氣血不和身體疼痛背膊勞倦手足無力並宜服之

赤茯苓

去黑皮三分

當歸

去苗洗切三分

木香

半兩

桂心

去籠皮不見火三分

白朮

一兩

枳殼

麸炒去瓢半兩

赤芍藥

一兩

柴胡

去苗洗半兩

黃耆

半兩炙

鼈甲

醋炙去裙三分

五味子

揀淨半兩

桔梗

剉炒半兩

芎藭

半兩

橘紅

全兩

甘草

半兩
炒

右十五味同爲麩散每服四錢水一盞半生薑片煎至八分去滓通口服無時

治中風涎盛不省人事人參訶子散

李武仲傳云得之張魏公家

人參

訶子

青白者
炮去核

甘草

右件各等分爲細末每服二錢白沸湯點服加卒中風痰壅不省人事急投此藥神効無比卽便省

也

治中濕癱瘓無異中風聖功散

右用五積散一兩卻入細研真麝香二錢同煎服

更多愈妙李武仲傳云
得之李與幾

治風熱上攻頭目昏眩及療偏正頭疼一品圓

大香附子

去皮毛用水煮一時久細切焙乾

右爲細末煉蜜圓如彈子大每服一圓水一盞煎至八分通口服婦人用醋湯煎

治丈夫婦人中風氣痺其疾作之初切不可以治風瞑眩之藥與服若大悞有涎卽畧與不損氣者下涎藥才定如手足緩弱不遂卽便與此藥服

南木香

好者一大分洗剉焙乾爲細末

右先取好瓜蔞一個取子及瓢去皮將子與瓢各

研極細用無灰酒一大盞投之攪勻用生絹攬取
汁如此研絞三兩次酒濃無味乃止於銀石器內
煎三兩沸調木香末帶熱服令人按摩病處良久
就病處臥移時自能舉動矣此方乃大瀛山和尚
所傳大瀛云氣行則風行氣逆則風聚甚者不過
三五服大有神驗

治感風中暑

和解散治感寒表裏未辨頭痛惡心發熱煩疼不進
飲食常服正氣除寒邪辟瘟疫不問老少皆可服鼎

傳

蒼朮

淨洗四兩

厚朴

製

桔梗

去蘆各四兩

藿香葉

前胡

洗去蘆兩

柴胡

洗去蘆兩

當歸

洗去穰四兩

赤芍藥

各二兩炙

川芎

陳皮

炒去穰四兩

甘草

各四兩炙

神麴

炒兩

右剉末每服四錢水一盞半薑三片棗一箇煎七分去滓服不拘時候

葱朮散不問陰陽二證染患淺深凡時行瘟疫及尋常風吹雨霽頭目昏重四體熱倦行步少力骨節疼痛悉皆治之



北京中医药大学图书馆版权所有
北京中医药大学图书馆版权所有